



Broj: T09 0 KT 0208679 26
Sarajevo, 13.05.2026. godine

HITNO - PRITVOR

KANTONALNI SUD U SARAJEVU
Sudiji za prethodno saslušanje
S A R A J E V O

Na osnovu člana 45. stav 2. tačka i) i člana 241. Zakona o krivičnom postupku Federacije Bosne i Hercegovine, **podizem**

O P T U Ž N I C U

Protiv:

JASMIR HALILOVIĆ zvani „Arči“, rođen 1985.godine, nastanjen u ulici, matični broj:, državljanin BiH, završena SSS, po zanimanju moler, razveden, osuđivan presudom Općinskog suda u Sarajevu broj: K-727/05, pravosnažna dana 08.07.2005. godine, zbog krivičnog djela iz člana 287. stav 1. tačka a) KZ FBiH, na kaznu zatvora u trajanju od deset mjeseci uvjetno dvije godine, presudom Općinskog suda u Sarajevu broj: 065-0-K-06-000530, pravosnažna dana 21.05.2006. godine, zbog krivičnog djela iz člana 287. stav 1. tačka a) u vezi sa članom 55. KZ FBiH, na kaznu zatvora u trajanju od jedne godine, presudom Općinskog suda u Sarajevu broj: 65 0 K 139025 10 K, pravosnažna dana 31.03.2011. godine, zbog krivičnog djela iz člana 286. stav 1. KZ FBiH, na kaznu zatvora u trajanju od šest mjeseci uvjetno jedna godina, presudom Općinskog suda u Sarajevu broj: 65 0 K 300414 12 K, pravosnažna dana 17.04.2014. godine, zbog krivičnog djela iz člana 362. stav 2. u vezi sa stavom 1. KZ FBiH, na kaznu zatvora u trajanju od tri mjeseca, presudom Općinskog suda u Sarajevu broj: 65 0 K 521313 16 K 2, pravosnažna dana 11.05.2017. godine, zbog krivičnog djela iz člana 287. stav 1. tačka a) u vezi sa članom 28. KZ FBiH, na kaznu zatvora u trajanju od šest mjeseci, **nalazi se u pritvoru po rješenju Kantonalnog suda u Sarajevu od 19.03.2026. godine, a koji pritvor može trajati do 19.05.2006. godine ili do druge odluke suda,**

Što je:

Dana 21.02.2026. godine, oko 04,10 sati u Sarajevu, ulica Bosanskih gazija, općina Ilidža, u neposrednoj blizini garaža u ulici 12. mart, dok se nalazio u motornom vozilu marke "VW" model "Passat" registarskih tablica, kada su policijski službenici K.M., A.Š. i H.H. u taktičkoj formaciji prišli motornom vozilu radi provjere informacije da se u istom krije počinitelj krivičnog djela i jasno se predstavili kao policijski službenici i izdali naredbu, obraćajući se riječima: „Policija, ruke u vis, izadi iz vozila”, startao motorno vozilo u cilju bjekstva sa lice mjesta, nakon čega je policijski službenik H.H. uhvatio za šteku i pokušao da otvori vozačeva vrata u čemu nije uspio jer su bila zaključana, za koje vrijeme je policijski službenik A.Š. baterijskom lampom pričvršćenom na službenu automatsku pušku FN Herstal Scar osvjetljavao u pravcu Halilović Jasmira koji se nalazio u vozilu na mjestu vozača, u kojem trenutku Halilović Jasmir spušta bočno staklo vozačevih vrata te držeći u desnoj ruci vatreno oružje-pištolj N.N. marke i kalibra, isto usmjerio u pravcu gornjih vitalnih

organa policijskih službenika koji su se nalazili na udaljenosti od oko 2 metra, te znajući da se radi o ovlaštenim službenim osobama koje obavljaju poslove sigurnosti, svjestan i znajući da na taj način može povrijediti vitalne organe policijskih službenika K.M., A.Š. i H.H. i iste usmrtiti, a što je i htio, ispalio najmanje jedan hitac iz navenog oružja, u kojem momentu, u cilju odbijanja napada od direktne smrtonosne sile policijski službenici iz službenog naoružanja pucaju u pravcu Halilović Jasmira, nakon čega isti naglo kreće vozilom nekoliko metara naprijed, da bi se vrlo brzo zaustavio a potom, motornim vozilom naglo krenuo unazad prema navedenim policijskim službenicima svjestan da na taj način može usmrtiti iste što je i htio, povodom čega policijski službenici ponovo upotrebljavaju službeno vatreno oružje te počinju pucati u pravcu vozila, nakon čega se vozilom ponovo zaustavio a potom naglo startao naprijed, nakon čega se velikom brzinom preko zelene površine udaljio sa lica mjesta ulicom Bosanskih Gazija, da bi potom na dijelu ulica Gazi Hasan Paše, 12. mart i Bosanskih gazija, sve do raskrsnice ulica Bosanskih gazija sa ulicom Prve samostalne brigade, svjestan da napada ovlaštenu službenu osobu u vršenju poslova javne sigurnosti što je i htio, prilazeći vozilom marke "VW" model "Passat" registarskih tablica, policijskom vozilu Citroen reg. oznaka zaustavljenom u saobraćajnoj traci, sa upaljenim blinkerima, iz kojeg je izlazio policijski službenik V.Š., dok se pored vozila nalazio policijski službenik N.Š., u namjeri da ih udari, naglo ubrzao vozilom zbog čega je policijski službenik N.Š., obzirom da je prethodno čuo pucnjavu, u namjeri da spriječi Halilović Jasmira da ga povrijedi, upotrijebio vatreno oružje, dejstvujući u pravcu prednjeg lijevog dijela vozila Passat, glasno govoreći: „Stoj policija“, ali kako se isti oglušio o naredbu, policijski službenik N.Š. je ponovo upotrijebio vatreno oružje ispaljujući tri hica iz pištolja u pravcu vozila kojim je upravljao Halilović Jasmir, nakon čega se isti vozilom, ulicom Bosanskih Gazija udaljio u nepoznatom pravcu,

Dakle, službenu osobu pri obavljanju poslova sigurnosti pokušao usmrtiti i napao službenu osobu u vršenju poslova sigurnosti,

Čime bi počinio krivično djelo Ubistvo iz člana 166. stav 2. tačka e) KZ FBiH, u vezi sa članom 28. KZ FBiH i krivično djelo Napad na službenu osobu u vršenju poslova sigurnosti iz člana 359. stav 1. KZ FBiH, a sve u vezi sa članom 54. KZ F BiH,

PRIJEDLOG ZA PRODUŽENJE MJERE PRITVORA

Predlažem da se, shodno odredbi člana 242. stav 3. i člana 151. stav 1. ZKP-a FBiH, nakon potvrđivanja optužnice, prema optuženom Halilović Jasmiru produži mjera pritvora iz zakonskih razloga propisanih u odredbi člana **146. stav 1. tačka a), b), c) i d) ZKP-a FBiH.**

KANTONALNI TUŽILAC